

Dunja Mijatović je od 2010. do 2017. godine bila Predstavnicom za slobodu medija Organizacije za evropsku sigurnost i saradnju (OSCE), čime je ujedno bila i najviša svjetska dužnosnica u oblasti zagovaranja slobode izražavanja i informisanja. U posljednje dvije decenije radila je u oblasti ljudskih prava i stekla značajno iskustvo na polju monitoringa ljudskih prava.

Nakon što je obavljala vodeću funkciju u regulatornoj agenciji u BiH, Dunja je 2007. godine bila izabrana za predsjednicu najveće mreže regulatornih tijela na svijetu, Evropske platforme regulatornih tijela. Također je bila predsjednica Grupe eksperata za slobodu izražavanja i informiranja u kriznim vremenima, a radila je i kao konsultant na projektima medijske regulative i novih tehnologija u Evropi, Sjevernoj Africi i Srednjem istoku.

Dunja je govorila na konferencijama širom svijeta, uključujući The Harriman institut u Njujorku, Univerzitet Columbia, Univerzitet George Washington te Evropski parlament i Vijeće Evrope i dobitnik je nekoliko nagrada za svoj rad, uključujući *Médaille Charlemagne* 2015. godine. Ovom nagradom priznaje se osoba iz Evrope koja je dala jedinstven doprinos procesu unifikacije Evrope i razvoja evropskog identiteta u polju medija.

Dobitnica je nagrade City of Geneva Press Emblem Campaign 2015. godine za svoj rad na pitanju bezbjednosti novinara i slobodi medija u Ukrajini tokom kriznog perioda kao i zbog njenog "izuzetnog ličnog zalaganja za promociju slobode informacija u cijelom regionu". Međunarodni centar za mir u Sarajevu nagradio je Nagradom Sloboda u 2010. godini za njen rad na borbi za slobodu, mir i razvoj Bosne i Hercegovine, Evrope i svijeta. U 2012. godini bila je na vrhu Guardianove liste najuticajnijih ljudi u borbi da za otvorenost interneta. 2015. Savjet Kongresa medija i Državni muzej Armitaž u Sankt Petersburgu nagradili su je nagradom Dijalog kultura. 2016. godine bila je dobitnica austrijske nagrade Concordia Press Cluba za njenu ličnu posvećenost slobodi medija, a posebna počast joj je ukazana kad ju je 2017. godine austrijski predsjednik Alexander Van Der Bellen proglasio počasnim članom Reda zasluga Republike Austrije. Posjeduje zajednički magisterij iz evropskih studija na univerzitetima Bologna, London School of Economics, Univerzitetu u Sarajevu i Univerzitetu u Sussexu.

Od EDUS-ovog osnivanja 2010. godine, Dunja je bila jedan od pokrovitelja i svesrdno se zalagala, u ime našeg osoblja, roditelja i djece za ljudska prava i inkluzivno obrazovanje. Kao počasna direktorica EDUS-a, Dunja donosi jedinstven glas i podršku iz svih krajeva svijeta naporima da se poboljšaju ljudska prava i inkluzija djece s poteškoćama u razvoju u Bosni i Hercegovini.